

D. JOSÉ MANUEL GONZÁLEZ GARCÍA, en calidade de **SECRETARIO DO CONSELLO DE ADMINISTRACIÓN** da entidade mercantil **INFORMACIÓN E COMUNICACIÓN LOCAL, S.A.**, con C.I.F. **A-15683477**, e inscrita no Rexistro Mercantil da Coruña baixo a folla **SC-21.392**, tomo **2.180**, folio **201** do Arquivo, Sección Xeral, inscrición **1ª**,

CERTIFICA, aos efectos do depósito dixital das contas anuais do exercicio **2023** con pegada dixital:

XXDb+IbzQQwQJdQcB6M+IOHLEIgrNDAEJkY/OrUQhJA=

1.- Que ás nove horas e corenta e cinco minutos do día 30 de maio do ano dous mil vinte e catro reuniuse, no Salón de Plenos da Casa Consistorial do Excmo. Concello de Santiago de Compostela, o socio único e constituíuse a Xunta Xeral Ordinaria da sociedade municipal **INFORMACIÓN E COMUNICACIÓN LOCAL, S.A.** Unipersonal con carácter de **UNIVERSAL**.

2.- Que tras declararse validamente constituída, preside a Xunta **DONA GORETTI SANMARTÍN REI**, e actúa como Secretario **D. JOSÉ MANUEL GONZÁLEZ GARCÍA**, coa seguinte orde do día:

PUNTO 1: Aprobación das contas anuais e distribución de resultados relativos ao exercicio 2023.

PUNTO 2: Redacción, lectura e aprobación, se procede, da Acta da Xunta Xeral Ordinaria e designación dos membros da Asemblea que asinarán a acta por delegación.

3.- Que na Acta figura o nome de todos os asistentes que por unanimidade a aproban. A Acta foi asinada, por delegación dos presentes, polos seguintes membros da Asemblea: Don Gumersindo Guinarte Cabada, Dona María Rozas Pérez e Dona María Baleato González, ademais de pola Presidenta, Dona Goretti Sanmartín Rei e o Secretario.

4.- Que tras presentarse as **CONTAS ANUAIS** correspondentes ao exercicio pechado a 31 de decembro de 2023, formuladas polo Consello de Administración en data 21 de marzo de 2024, xunto co Informe de Auditoría, o socio único adopta os seguintes acordos:

PRIMEIRO: Aprobar as Contas Anuais correspondentes ao exercicio 2023, pechado a 31 de decembro de 2023, que se compoñen do Balance, a Conta de Perdas e Ganancias, o Estado de Cambios do Patrimonio Neto e a Memoria, que foron formuladas polo Consello de Administración da sociedade con data 21 de marzo de 2024, seguindo o seu modelo abreviado.

As Contas Anuais aprobadas uníronse á acta da sesión formando parte integrante da mesma.

SEGUNDO: Aprobar a distribución dos resultados do ano 2023 nos seguintes termos:

BASE DE REPARTO	2023
Saldo da Conta de Perdas e Ganancias	28.113,81
TOTAL BASE REPARTO=TOTAL APLICACIÓN	28.113,81
APLICACIÓN A	2023
Reservas voluntarias	28.113,81
TOTAL APLICACIÓN=TOTAL BASE DE REPARTO	28.113,81

TERCEIRO: Delegar a sinatura da acta de cada un dos membros da Asemblea na dos seguintes membros da mesma: Dona Goretti Sanmartín Rei, Don Gumersindo Guinarte Cabada, Dona María Rozas Pérez e Dona María Baleato González.

IGUALMENTE CERTIFICA:

1 .- Que no Balance de Situación aprobado recóllese un importe total das partidas de activo de 1.758.817,42 euros e un importe total das partidas de Patrimonio Neto de 883.384,64 euros. A Conta de Perdas e Ganancias aprobada presenta un resultado despois de impostos para o exercicio 2023 de beneficios por importe de 28.113,81 euros.

2.- Que a Sociedade pode formular as Contas Anuais de forma abreviada e non está obrigada a elaborar o Informe de Xestión nin o Estado de Fluxos de efectivo, de conformidade cos artigos 257, 258 e 262 do Real Decreto Lexislativo 1/2010, de 2 de xullo, polo que se aproba o texto refundido da Lei de Sociedades de Capital.

3.- Que de conformidade co establecido no artigo 366.1-2º do Regulamento do Rexistro Mercantil, faise mención expresa, baixo fe do certificante, que as Contas Anuais formuladas polo Consello de Administración foron asinadas por todos os seus membros.

4.- Que as Contas Anuais foron sometidas a auditoría obrigatoria de acordo co establecido na disposición adicional segunda do Real Decreto 2/2021, de 12 de xaneiro, polo que se aproba o Regulamento que desenvolve a Lei 22/2015, de 20 de xullo, de Auditoría de Contas. Neste sentido, e mediante acordo do Pleno da Corporación do Concello de Santiago, constituído en Xunta Xeral Universal de INCOLSA, de data 21 de decembro de 2022, nomeouse como auditor titular da sociedade para os exercicios 2022-2024 (ambos inclusive) á firma Norte Auditores y Asesores, S.L. de ROAC S1482. Con data 18 de abril de 2024, a devandita firma emite opinión favorable sen salvedades

sobre as contas anuais correspondentes ao exercicio 2023. As contas anuais que se depositan correspóndense coas auditadas.

5.- Que a Sociedade non realizou operacións con accións propias durante o ano 2023.

En proba de conformidade, expido a presente certificación en Santiago de Compostela, na data consignada na sinatura electrónica, co visto e praxe da Presidenta do Consello de Administración.

Vº e praxe Presidenta

O Secretario

D.^a Goretti Sanmartín Rei

D. José Manuel González García